

Электрондық ақпараттық ресурстарды сақтаудың бірыңғай ұлттық резервтік платформасын құру және оның жұмыс істеуін қамтамасыз ету қағидаларын бекіту туралы

Қазақстан Республикасының Қорғаныс және аэроғарыш өнеркәсібі министрінің 2018 жылғы 16 наурыздағы № 44/НҚ бұйрығы. Қазақстан Республикасының Әділет министрлігінде 2018 жылғы 2 мамырда № 16857 болып тіркелді.

"Ақпараттандыру туралы" 2015 жылғы 24 қарашадағы Қазақстан Республикасы Заңының 7-1-бабының 17) тармақшасына сәйкес БҰЙЫРАМЫН:

1. Қоса беріліп отырған электрондық ақпараттық ресурстарды сақтаудың бірыңғай ұлттық резервтік платформасын құру және оның жұмыс істеуін қамтамасыз ету қағидаларын бекітілсін.

2. Қазақстан Республикасы Қорғаныс және аэроғарыш өнеркәсібі министрлігінің Ақпараттық қауіпсіздік комитеті Қазақстан Республикасының заңнамасында белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді;

2) осы бұйрық мемлекеттік тіркелген күнінен бастап күнтізбелік он күн ішінде оның қағаз және электрондық түрдегі қазақ және орыс тілдеріндегі көшірмесін ресми жариялау және Қазақстан Республикасы нормативтік құқықтық актілерінің эталондық бақылау банкіне енгізу үшін "Республикалық құқықтық ақпарат орталығы" шаруашылық жүргізу құқығындағы республикалық мемлекеттік кәсіпорнына жіберуді;

3) осы бұйрық мемлекеттік тіркелген күнінен бастап күнтізбелік он күн ішінде оның көшірмесін мерзімді баспасөз басылымдарында ресми жариялауға жіберуді;

4) осы бұйрық ресми жарияланғаннан кейін оны Қазақстан Республикасы Қорғаныс және аэроғарыш өнеркәсібі министрлігінің интернет-ресурсында орналастыруды;

5) осы бұйрық Қазақстан Республикасы Әділет министрлігінде мемлекеттік тіркелгеннен кейін он жұмыс күні ішінде Қазақстан Республикасы Қорғаныс және аэроғарыш өнеркәсібі министрлігінің Заң департаментіне осы тармақтың 1), 2), 3) және 4) тармақшаларында көзделген іс-шаралардың орындалуы туралы мәліметтер беруді қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Қорғаныс және аэроғарыш өнеркәсібі вице-министріне жүктелсін.

4. Осы бұйрық алғаш ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасының	
Қорғаныс және аэроғарыш	
өнеркәсібі министрі	Б. Атамқұлов

"КЕЛІСІЛДІ"

Қазақстан Республикасы

Ұлттық қауіпсіздік комитетінің төрағасы

_____ К. Мәсімов

"__" _____ 2018 жыл

	Қазақстан Республикасы Қорғаныс және аэроғарыш өнеркәсібі министрінің 2018 жылғы 16 наурыздағы № 44/НҚ бұйрығымен бекітілген
--	---------------------------------------------------------------------------------------------------------------------------------------------

Электрондық ақпараттық ресурстарды сақтаудың бірыңғай ұлттық резервтік платформасын құру және жұмыс істеуін қамтамасыз ету қағидалары 1-тарау. Жалпы ережелер

1. Осы Электрондық ақпараттық ресурстарды сақтаудың бірыңғай ұлттық резервтік платформасын құру және жұмыс істеуін қамтамасыз ету қағидалары (бұдан әрі – Қағидалар) " Ақпараттандыру туралы" 2015 жылғы 24 қарашадағы Қазақстан Республикасы Заңының (бұдан әрі – Заң) 7-1-бабының 17) тармақшасына сәйкес әзірленді және электрондық ақпараттық ресурстарды сақтаудың бірыңғай ұлттық резервтік платформасын құру және жұмыс істеуін қамтамасыз ету тәртібін, ақпараттық-коммуникациялық инфрақұрылым объектілерінің аса маңызды электрондық ақпараттық ресурстарын резервтік көшіру мерзімділігін айқындайды.

2. Осы Қағидаларда мынадай негізгі ұғымдар пайдаланылады:

1) ақпараттық қауіпсіздікті қамтамасыз ету саласындағы уәкілетті орган (бұдан әрі – уәкілетті орган) – ақпараттық қауіпсіздікті қамтамасыз ету саласында басшылықты және салааралық үйлестіруді жүзеге асыратын орталық атқарушы орган;

2) Ақпараттық қауіпсіздіктің ұлттық үйлестіру орталығы (бұдан әрі – АҚҰҰО) – мемлекеттік техникалық қызметтің электрондық ақпараттық ресурстарды сақтаудың бірыңғай ұлттық резервтік платформасын құру мен жұмыс істеуін қамтамасыз етуді жүзеге асыратын құрылымдық бөлімшесі;

3) жедел резервтеу – қосымша бағдарламалық және техникалық құралдарды пайдалану және оларды белсенді режимде ұстау және/немесе нақты уақыт режимінде (немесе 1 сағатқа кідірумен нақты уақытқа жақын) өзгерістерді беруді және ақпараттың сақталуын қамтамасыз ету;

4) мемлекеттік органдардың бірыңғай көлік ортасы (бұдан әрі – МО БКО) – "электрондық үкіметтің" ақпараттық-коммуникациялық инфрақұрылымына кіретін және ақпараттық қауіпсіздіктің талап етілетін деңгейін сақтай отырып, мемлекеттік органдардың, олардың ведомстволық бағынысты ұйымдары мен жергілікті өзін-өзі басқару органдарының, сондай-ақ уәкілетті орган айқындаған өзге де ақпараттандыру субъектілерінің жергілікті (Интернетке қолжетімділігі бар жергілікті желілерді қоспағанда), ведомстволық және корпоративтік телекоммуникациялар желілерінің өзара іс-қимыл жасауын қамтамасыз етуге арналған телекоммуникациялар желісі;

5) резервтік көшірме – деректерді олар жоғалған, зақымдалған, бұзылған немесе рұқсатсыз өзгертілген және жойылған жағдайда, олардың түпнұсқалық немесе жаңа орналасу

орнында қалпына келтіруге арналған электрондық тасығышта деректердің көшірмелерін жасаудың сәтті аяқталған процесінің нәтижесі;

6) ұзақ мерзімді сақтау – электрондық ақпараттық ресурстардың резервтік көшірмелерін екі жылдан артық сақтау мерзімімен электрондық ақпараттық ресурстарды сақтаудың бірыңғай ұлттық резервтік платформасына бір реттік беру;

7) іске қосусыз резервтеу – деректерді қалпына келтіру мүмкіндігін қамтамасыз ету мақсатында операциялық жүйенің құралдарымен жұмыс істеп тұрған немесе сөндірілген электрондық ақпараттық ресурстар резервтік көшірме жасау;

8) электрондық ақпараттық ресурстар (бұдан әрі – ЭАР) – электрондық-цифрлық нысанда ұсынылған және электрондық тасымалдауышта, интернет-ресурста және (немесе) ақпараттық жүйеде қамтылған ақпарат;

9) электрондық ақпараттық ресурстарды сақтаудың бірыңғай ұлттық резервтік платформасы (бұдан әрі – БҰРП) - сақтау үшін және қажет болған жағдайда деректерді қалпына келтіру мақсатында электрондық ақпараттық ресурстардың резервтік көшірмелерін сақтауға арналған аппараттық-бағдарламалық кешен;

10) IP VPN – функционалдық мүмкіндіктер мен сервистерді қорғауды қамтамасыз ету үшін криптографиялық әдістер қолданылатын TCP/IP хаттамасы бойынша клиент объектілері арасындағы деректер беруді ұйымдастыру үшін, байланыс провайдерінің желілік инфрақұрылымы негізінде құрылған деректер берудің виртуалды жеке желісі.

3. Осы Қағидалардың күші Қазақстан Республикасының мемлекеттік құпиялар туралы заңнамасына сәйкес мемлекеттік құпияларға жатқызылған қорғалып орындалған ақпараттық жүйелерге, сондай-ақ арнайы мақсаттағы телекоммуникациялар және (немесе) үкіметтік, құпияландырылған, шифрланған және кодталған байланыс желілеріне қолданылмайды.

2-тарау. Электрондық ақпараттық ресурстарды сақтаудың бірыңғай ұлттық резервтік платформасын құру тәртібі

4. АҚҰҰО ЭАР деректерін жоғалту, бұзу, заңсыз өзгерту және (немесе) жою қаупін азайту мақсатында БҰРП құруды, олардың сақталуын және қажет болған жағдайда резервтік көшірмелерден қалпына келтіру мүмкіндігін қамтамасыз етуді ұйымдастырады.

5. БҰРП-ның техникалық ерекшеліктерін, функционалдық мүмкіндіктерін АҚҰҰО айқындайды.

6. Ақпараттық-коммуникациялық инфрақұрылымның аса маңызды объектілерінің (бұдан әрі – АКИАМО) тізбесі негізінде әрбір ЭАР-ға бойынша АҚҰҰО:

1) БҰРП-ға беру үшін ЭАР резервтік көшіру мерзімділігін;

2) ЭАР резервтік көшірмелерінің кестесін;

3) ЭАР резервтік көшірмелеріне қол жеткізу режимін;

4) ЭАР резервтік көшіру түрін;

5) ЭАР резервтік көшірмелерін сақтау мерзімдерін белгілейді.

7. АҚҰО осы Қағидалардың 6-тармағында анықталған ақпарат негізінде ЭАР резервтік көшірмелерін БҰРП-ға беруге арналған техникалық құралдарды айқындайды және бөледі.

АҚҰО АКИАМО иеленушісіне бөлінетін есептеу құралдарының техникалық сипаттамаларын өзгертуге мүмкіндігі бар.

8. БҰРП есептеу құралдарын бөлу басымдылығы Қазақстан Республикасы Инвестициялар және даму министрінің міндетін атқарушысының 2016 жылғы 28 қаңтардағы № 135 бұйрығымен бекітілген (нормативтік құқықтық актілерін тіркеу мемлекеттік тізімінде № 13349 тіркелген) ақпараттандыру объектілерінің сыныптауыштарына сәйкес айқындалған ЭАР сыныбына сәйкес жүзеге асырылады.

9. ЭАР резервтік көшірмелерін (соның ішінде ЭАР құжаттамасының көшірмелері, нұсқаулықтар) Заңның 17-бабы 2-1-тармағының 4) тармақшасына сәйкес уәкілетті орган айқындайтын тәртіппен және мерзімдерде БҰРП-ға беруді АКИАМО иеленушісі жүзеге асырады.

3-тарау. Электрондық ақпараттық ресурстарды сақтаудың бірыңғай ұлттық резервтік платформасының жұмыс істеуін қамтамасыз ету тәртібі

10. БҰРП-ның жұмыс істеуін қамтамасыз ету шеңберінде АҚҰО:

1) БҰРП-ны техникалық сүйемелдеуді;

2) БҰРП-ның жұмыс істеу мәселелері бойынша АКИАМО иеленушілерімен өзара іс-қимылды;

3) резервтік көшіру мерзімділігін, кестесін, қол жеткізу режимін, түрін, ЭАР резервтік көшірмелерін БҰРП-да сақтау мерзімдерін белгілеуді;

4) ЭАР резервтік көшірмелерін алу мен сақтауды;

5) БҰРП жай-күйінің мониторингін;

6) БҰРП талдау және дамытуды;

7) БҰРП-да сақталатын ақпараттың қолжетімділігін тексеруді;

8) БҰРП техникалық құжаттамаларын әзірлеуді;

9) БҰРП құру және (немесе) жаңартуға жобалық құжаттамаларын әзірлеуді;

10) БҰРП құру және (немесе) жаңартуды жүзеге асырады.

11. БҰРП-да қамтылған ақпаратты қорғау, сондай-ақ оған қолжетімділік Қазақстан Республикасының заңнамасында және осы Қағидаларда белгіленген талаптарды сақтай отырып қамтамасыз етіледі.

12. БҰРП және АКИАМО иеленушісі арасындағы өзара іс-қимыл:

- 1) мемлекеттік органдар болып табылатын АКИАМО иеленушілеріне МО БКО арқылы;
- 2) мемлекеттік емес ұйымдар болып табылатын АКИАМО иеленушілеріне IP VPN арқылы жүзеге асырылады.

13. ЭАР иеленушілері БҰРП-да сақталатын АКИАМО тестілік қалпына келтіруді:

- 1) бірінші класты ЭАР мен дерекқорларына – жедел резервтеуді қоспағанда, тоқсанына кем дегенде 1 рет;
- 2) екінші класты ЭАР үшін – жарты жылда кем дегенде 1 рет;
- 3) үшінші класты ЭАР үшін – бір жылда кем дегенде 1 рет;
- 4) ұзақ мерзімді сақтаудағы ЭАР резервтік көшірмелеріне – резервтік көшірмені БҰРП-ға берген күнінен кейін бір жылда бір рет жүргізеді.

АКИАМО иеленушілері 3 (үш) жұмыс күннен кешіктірмей АҚҰҰО-ға ЭАР тестілік қалпына келтіру нәтижесі туралы хабарлайды.

14. АКИАМО иеленушілері БҰРП-дан резервтік көшірмелерді алу қажеттілігі туралы АҚҰҰО-ны:

- 1) тестілік қалпына келтіру мақсатында – резервтік көшірмені алғанға дейін 3 (үш) жұмыс күнінен кешіктірмей;
- 2) штаттан тыс оқиға жағдайында – резервтік көшірмені алғаннан кейін 1 (бір) жұмыс күнінен кешіктірмей ресми хабардар етеді.

АҚҰҰО тәулік бойы АКИАМО иеленушілері резервтік көшірмелеріне жедел қолжетімділік мүмкін қамтамасыз етеді.

15. Резервтік көшіру және тестілік қалпына келтіру мен резервтік көшірудің барлық рәсімдерінің нәтижелерін бақылауды, сондай-ақ резервтік көшірмелердің тұтастығын тексеруді АКИАМО иеленушілері жүзеге асырады.

16. АКИАМО иеленушілері резервтік көшірмелердің тұтастығын, жедел резервтеу жағдайларын қоспағанда, резервтік көшірмені БҰРП-ға беру аяқталған соң бірден бақылау сомаларын салыстыру негізінде тексереді.

17. Резервтік көшірмелердің бірдей болмаған жағдайда, резервтік көшірмені беру сәтсіз деп танылады және дереу қайтадан көшіруді және қайтадан табыстауды талап етеді.

18. АКИАМО иеленушілерімен келісім бойынша АҚҰО осы Қағидалардың 1-қосымшасына сәйкес нысан бойынша БҰРП-да ЭАР резервтік көшірмелерін сақтау мерзімдерін айқындайды.

19. ЭАР резервтік көшірмесін ұзақ мерзімді сақтау үшін АКИАМО иеленушісі осы Қағидалардың 2-қосымшасына сәйкес нысан бойынша БҰРП-да ұзақ мерзімде сақтау үшін ЭАР тізбесі АҚҰО атына ақпарат жолдайды.

20. Заңның 17-бабы 2-1-тармағының 4) тармақшасына сәйкес бекітілетін АКИАМО тізбесінен ЭАР шығарылған жағдайда:

1) АҚҰО резервтік көшірмелерді БҰРП-ға беруді тоқтату қажеттілігі туралы АКИАМО иеленушісіне ресми хабарлайды;

2) АКИАМО иеленушілері резервтік көшірмелерді БҰРП-ға беруді тоқтатады;

3) БҰРП-ға бұрын берілген резервтік көшірмелер мерзімі аяқталғанға дейін БҰРП-да сақталуы тиіс.

4-тарау. Ақпараттық-коммуникациялық инфрақұрылым объектілерінің аса маңызды электрондық ақпараттық ресурстарын резервтік көшіру мерзімділігі

21. АКИАМО иеленушілері ұсынған ақпарат негізінде АҚҰО осы Қағидалардың 3-қосымшасына сәйкес нысандар бойынша БҰРП-да ЭАР резервтік көшіру мерзімділігін белгілейді.

22. БҰРП-ға резервтік көшірмелерді беру мерзімділігі өзгерген жағдайда АҚҰО бұл туралы АКИАМО иеленушілеріне хабарлайды.

	Электрондық ақпараттық ресурстарды сақтаудың бірыңғай ұлттық резервтік платформасын құру және жұмыс істеуін қамтамасыз ету қағидаларына 1-қосымша Нысан
--	---------------------------------------------------------------------------------------------------------------------------------------------------------------

ЭАР резервтік көшірмелерін сақтау мерзімдері

№	ЭАР	АКИАМО иеленушісі	ЭАР орналасуы	Резервтік көшіру әдісі/түрі	Резервтік көшірмеге дейінгі жол	ЭАР көшірмесінің орналасуы	Резервтік көшіру режимі	ЭАР класы	Сақтау мерзімі
1	1-ДҚ	1-иеленуші	Негізгі алаң	Толық көшірмесі	IP-address :/backup/ БД1	БҰРП			
2	2-ДҚ	2-иеленуші	Негізгі алаң	Инкрементті көшірмесі	IP-address :/backup/ БД2	БҰРП			

Кестесі:

	<p>Электрондық ақпараттық ресурстарды сақтаудың бірыңғай ұлттық резервтік платформасын құру және жұмыс істеуін қамтамасыз ету қағидаларына, ақпараттық-коммуникациялық инфрақұрылым объектілерінің аса маңызды электрондық ақпараттық ресурстарын резервтік көшіру мерзімділігіне 2-қосымша Нысан</p>
--	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

БҰРП-да ұзақ мерзімде сақтау үшін ЭАР тізбесі

№	ЭАР толық атауы	дейін сақтау	АКИАМО иеленушісі	Ескертпе / резервтік көшірге дейінгі жол
1	1-ДҚ			
2	2-ДҚ			
3	БҚ			

Қолданылған аббревиатуралар:

ДҚ – дерекқор;

БҚ – бағдарламалық қамтамасыз етуі.

	<p>Электрондық ақпараттық ресурстарды сақтаудың бірыңғай ұлттық резервтік платформасын құру және жұмыс істеуін қамтамасыз ету қағидаларына 3-қосымша Нысан</p>
--	------------------------------------------------------------------------------------------------------------------------------------------------------------------------

ЭАР резервтік көшіру мерзімділігін

1-кесте – Күн сайын көшіру

№	ЭАР	АКИАМО иеленушісі	Дүйсенбі	Сейсенбі	Сенбі	Бейсенбі	Жұма	Сенбі	Жексенбі
1	1-ДҚ	1-иеленуші	1-инкрементті көшірмесі (23.00)	2-инкрементті көшірмесі (23.00)	3-инкрементті көшірмесі (23.00)	4-инкрементті көшірмесі (23.00)	5-инкрементті көшірмесі (23.00)	Толық көшірмесі (23.00)	1-инкремент көшірмесі (23.00)
2	2-ДҚ	1-иеленуші	Толық көшірмесі (23.00)	Толық көшірмесі (23.00)	Толық көшірмесі (23.00)	Толық көшірмесі (23.00)	Толық көшірмесі (23.00)	Толық көшірмесі (23.00)	Толық көшірмесі (23.00)
3	БҚ	2-иеленуші	-	-	-	-	-	Толық көшірмесі (23.00)	-

2-кесте – Ай сайын көшіру

№	ЭАР	АКИАМО иеленушісі	Көшіру уақыты
1	1-ДҚ	1-иеленуші	Жаңа айдың бірінші аптасында жұма күні толық көшіру (23.00)
2	2-ДҚ	1-иеленуші	Жаңа айдың бірінші сенбісінде толық көшіру (23.00)
3	БҚ	2-иеленуші	Жаңа айдың бірінші аптасында жұма күні толық көшіру (23.00)

3-кесте –Тоқсан сайын көшіру

№	ЭАР	АКИАМО иеленушісі	1-тоқсан	2-тоқсан	3-тоқсан	4-тоқсан
1	1-ДҚ	1-иеленуші	Жаңа тоқсанның бірінші сенбісінде толық көшіру (23.00)	Жаңа тоқсанның бірінші сенбісінде толық көшіру (23.00)	Жаңа тоқсанның бірінші сенбісінде толық көшіру (23.00)	Жаңа тоқсанның бірінші сенбісінде толық көшіру (23.00)
2	2-ДҚ	1-иеленуші	Жаңа тоқсанның бірінші жұмасында толық көшіру (23.00)	Жаңа тоқсанның бірінші жұмасында толық көшіру (23.00)	Жаңа тоқсанның бірінші жұмасында толық көшіру (23.00)	Жаңа тоқсанның бірінші жұмасында толық көшіру (23.00)
3	БҚ	2-иеленуші	Жаңа тоқсанның бірінші жұмасында толық көшіру (23.00)	Жаңа тоқсанның бірінші сенбісінде толық көшіру (23.00)	Жаңа тоқсанның бірінші жұмасында толық көшіру (23.00)	Жаңа тоқсанның бірінші сенбісінде толық көшіру (23.00)

4-кесте –Жыл сайын көшіру

№	ЭАР	АКИАМО иеленушісі	Көшіру уақыты
1	1-ДҚ	1-иеленуші	Жаңа жылдың бірінші сенбісінде толық көшіру (23.00)
2	2-ДҚ	1-иеленуші	Жаңа жылдың бірінші сенбісінде толық көшіру (23.00)
3	БҚ	2-иеленуші	Жаңа жылдың бірінші сенбісінде толық көшіру (23.00)

Ескертпе:

1. Резервтік көшіру әдістері:

1) Клондау (point-in-time) – томдардың бірнеше физикалық көшірмесін жасау (жүйелердің клондарын);

2) Шұғыл көшірме жасау (snapshot) – дискінің, оның бейінінің логикалық көшірмесін жасау;

3) Көшіру – ЭАР электрондық көшірмесін жасау.

2. Көшіру түрлері:

1) Толық көшіру – толық көшірмесін жасау (бір көшірме);

2) Инкрементті көшіру – соңғы толық, инкрементті немесе дифференциалды көшіруден кейін өзгерту жүргізілген өзгертілген деректердің көшірмелерін жасау;

3) Дифференциалды көшіру – толық көшіру жүргізілген уақыттан бастап өзгертілген деректердің соңғы көшірмесін жасау.

3. Резервтік көшіру режимдері:

1) Нақты уақыт режимі – өзгерістерді нақты уақыт режимінде БҰРП-ға беру (жедел резервтеу);

2) Іске қосусыз резервтеу – деректерді қалпына келтіруге арналған тасығышта деректердің көшірмелерін жасау режимінде өзгерістерді БҰРП-ға беру (іске қосусыз резервтеу);

4. Қол жеткізу режимдері:

1) Оқу және жазу режимі (ең жоғарғы қол жеткізу режимі) – пайдаланушыларға жаңа деректер енгізу, бар деректерді өзгерту мен оқу құқығы берілетін режим.

2) Тек қана жазу режимі – пайдаланушыларға оларды оқу мүмкіндігінсіз тек қана жаңа деректер енгізу мен бар деректерді өзгерту құқығы берілетін режим.

3) Тек қана оқу режимі (ең төменгі қол жеткізу режимі) – пайдаланушыларға деректерді өзгерту мен енгізу мүмкіндігінсіз тек қана оқу құқығы берілетін режим.

4) Белсенді режим – ЭАР өзгерістерін (резервтік көшірмелерді) нақты уақыт режимінде БҰРП-ға беру режимі, бұл ретте пайдаланушыларға ең төменгі қол жеткізу режимінің құқығы беріледі және ең жоғарғы режимге дейін кеңейту мүмкіндігі болады.

Қолданылған аббревиатуралар:

ДҚ – дерекқор;

БҚ – бағдарламалық қамтамасыз етуі.